

中西醫學要論圖攷

官醫備要



中西醫學
論圖解

蔭甫俞樾
書於吳中



新譯中西醫學要論

英國醫士合信著

秣陵管茂材參考

白下劉善夫叅校

醫學總論

人身百體功用甚多。學醫之士。首宜推論。中國惟京師設太醫院衙門。其各省府廳州縣。雖有醫學名目。多係具文。醫書汗牛充棟。半屬耳聞臆斷。未可依據。余曾考究人身體用。著有全體新論一卷。未及方藥治法。茲特增作一書。畧論審症施治之法。乃選泰西各國醫學。歷經考驗。有據可與中國參互並用者。譯述成書。雖醫道廣大。未易該備。而什得二三。自可因此識彼。觸機生巧。漸造其極也。或疑西法與中國不同。未可互用。不知人類身體。無少歧異。受病大約相同。其不同者。氣候。性質。風土。飲食。微有差別。在醫者權衡斟酌耳。或謂西國藥料酷烈。與華人臟腑不合。殊非確論。夫造化主生物無私。既有是病。即有是藥。本在智者審擇。如西國採買他邦藥物甚多。豈以味淺功緩而棄之哉。中國多用草木。西國多用金石。因物制宜。見功取效。則一也。此書詳言病源治法。惟未盡西國藥物之性。因中土向無名稱。有難以言語形容者耳。

中西醫學論

格致之學。如天文算法輿地諸書。今皆精過古昔。醫學何獨不然。二百年前脈管迴血之理。西



醫學尚未盡了。近始悟明精確。此外如腦氣筋甜肉經之類。亦前所未言。乃余詢問華友。中土醫學。今不如古。其故有二。西國醫士。必須屢經考試。取列有名。方准行世。其貴如中國舉人進士之名。其法畧如中國考取文士之例。所以習之者精益求精。中國醫士。人自為之。不經官考。不加顯榮。此不精之故一也。人身臟腑百體。如鐘表輪機。若不開拆看驗。無以知其功用及致壞之由。是以西國准割驗死者。凡老人院。瘋狂院。聾啞等院。遇有死者。無所歸。許醫局剖割。以教生徒。驗畢復令作殮葬如法。故西醫皆明臟腑血脉之奧。華人習醫。無此一事。雖數十年老醫。不知臟腑何形。遇奇險不治之症。終亦不明病源何在。此不精之故二也。余願中國創設醫局。悉心考試。罪犯刑死之人。令醫士割驗。則中土醫學。必精過前人矣。

審證論

望聞問切。是為四診。審証之法。莫切於此。夫寒熱虛實。雖發於內。而必現乎外。如哮喘則猛力上逆。所以目睛凸露。唇色黑瘀。痘病則膽汁入血。所以面色眼白俱黃。血虧則血稀淡。所以目色。及目背胛肉指甲俱白。狂病面浮赤。而眼光利射。將出痘麻。則肌膚紅熱。他如望瞳人舒縮。遲速大小。可定重輕。驗舌苔形色乾濕。可辨表裏。此望診之大畧也。若聽肚聲。而知婦女有胎。以耳聽孕婦腹能聽胸聲。而知心肺有恙。癆瘵則聲啞。痰壅則聲濁。出言壯厲者。邪盛。聲如鼾。飛嬰兒心跳聲。

睡者病危。此聞診之大畧也。問病新久以知其正變。問寒熱以辨其表裏。問口渴以察其津液。問能食以規其胃府。問二便利否以審其通塞。問婦人經水以知其健弱。此問症之大畧也。至脈形。西法計分十種。曰浮。沉。遲。數。壯。弱。大。小。柔。硬。至數驗以時表。取其旋運有準。若華人用鼻息呼吸。恐有遲速長短。不如時表之準。中國所分三部九候。實難憑信。人身血脉發源於心。運行百體。則總入肺。接吸生氣。由肺復返於心。日夜輪流不息。每兩小時。運行四十週。以一日夜二十四小時計之。運行四百八十週。人人皆然。夫脈至躍動。乃心經發血之力。一發為一至。遍體同時湧應。細心診驗。參以望色。聞聲。問証。自可定輕重安危。若專按脈推求。如謂按寸而知病在心肺。按關而知病在肝脾。按尺而知病在腎。決無之理。蓋週身脉管。皆由心系總管而出。散佈四肢百體。流行貫通。豈兩手寸許之管。五臟六腑。遂偏繫於此耶。西國每剖驗兩手脈位。見其管大如雞翎之管。循臂而上。漸上漸大。上至頸項。即與頸中脉管通連。直達至心而止。並不與他臟相屬。何以知各臟之脈。必現於此耶。且直通一管。何以知三指分部。必不紊耶。故謂一脈可驗週身之病。則可。謂某部之脈。獨決某經之病。則不可也。余曩主粵東醫館。病人甚多。每謂中土醫士。有能隔廉診脈。可定三人病症者。謝銀百圓。數載於茲。曾莫之敢試也。夫脈至一異皆異。斷無三指各異者。若以全體而論。則男女有異。老少有異。饑飽動靜有異。行走坐卧

喜怒哀樂有異。故醫者診病入門後坐定片時。先望病者形色。次審其聲。次問見証。再辨舌苔。然後切脈。合而斷之。則病情不能循矣。此審症之要務也。

藥物論

余聞中國神農本草藥品三百六十。歷朝增益。至明李時珍著本草綱目。所載幾一千種。誠藥物之大備。然余閱之。其中有大用者。如人參、大黃之類是也。有無用者。如龍虎骨之類是也。諸家註解。大概以色味配五行。分屬臟腑。豈知藥物必先入胃。有色化為無色。有味化為無味。無因色味不同。分入各臟腑之理也。有謂食猪腰則補內腎。食腦則補頭昏。食脚則補足力。尤屬臆斷。蓋食物必先入胃消化。由胃至小腸。與胆汁甜肉汁會合。榨出津液。眾小管吸之。運至會管。達於心而為血。如果所食之物有益。則週身皆與其功。無獨益一處之理。至如龜尿滋腎。紫河車滋水。金石鎮虛。兔絲溫血等說。更不知何所據而云然也。西國藥物製法殊精。有數藥而製為一藥者。有一藥而分為數用者。有煉取其精英而去其渣滓者。服食一分。功同一兩。其他則有煉為丸者。研為散者。釀為酒者。漬以水者。浸以醋者。榨為油者。煮為膏者。熬為膠者。升為丹者。各隨所宜。茲取用藥與中法同意者。略列於後。間有與中法意異者。亦附見焉。同意者不知之理。不煩費詞也。意異者注之名同而實異者亦注之。



第一類補藥。曰補腦神腦氣。曰補血。人虛弱則血輪少血。色淡而稀。當補其血。曰補胃。曰補津液。若皆虛則用全補法。

第二類減血之藥。曰發汗。曰吐。曰利。小便。曰輕瀉。曰重瀉。曰放血。血過多則發熱不安。故放血而病即愈。或因血凝聚一處。

紅腫熱痛亦宜用蟻吮針放之。曰行水。曰消痰。曰散瘀血。曰祛風。

第三類斂藥。曰斂汗。曰斂大小便。曰斂血。或吐血。或便血。或刀傷。瘡瘍。血標流。宜斂。

第四類雜藥。曰止痛。腦主知覺。腦髓筋即腦氣。筋為之。傳染故安腦及安腦筋即以止痛。曰止癢。癢與痛同源。重則痛。輕則癢。曰調經。曰殺生。

曰柔潤。肺胃大小腸內皮拘急令人不爽。或咳或嘔。或二便難宜用柔潤之藥。

第五類外治之藥。間引病由皮肉出也。曰引血。或用錢刮。或用藥敷。或用薄貼。或用針刺。皆引血外出。曰鈞膿。凡內有病

易治者宜破其外體皮肉使之潰爛。或膿以泄其病勢。其法或用斑蝥膏藥。或用尖刀。或燒

刀刺破其皮。納綠豆一二粒於內。數日後膿發毒去。則內患可愈。此內病外治法也。曰灸。或燒

或用烙炙。其肉各息。的見後藥門。曰刀針。或放水。或放尿。曰去腐。須用藥或刀器去之。

皮。凡紅腫熱痛。須曰解毒。敷視毒淺深多寡而酌用之。

食物論

禽獸魚蟲之類。有血氣者也。百穀菜蔬之類。無血氣者也。人兼食之。故能化血生肉而長養。獨

食果蔬者羸疾。多食肉類者癡肥。偏食一物者病。西國從前有人罕食果蔬。惟重肉食。有一死

証。兩足生瘡。面黃腫。牙肉浮鬆。口流鮮血。手足肌肉。有損傷。即潰爛流水。臭穢不堪。近後有明

食物論 易肖也之物



醫勸食蔬果。乃無是病。而行船者常數月在海。無新菜可食。其証仍不免醫士再思一法。命行船時多帶醋及檸檬汁。自是絕無此患云。余聞佛家禁人食肉。常食齋料。而齋料則木耳。金菜。腐竹等物。皆乾枯而無津液者。殊非養身之道也。病人身體虛羸。自當以肉食補之。庸醫無識。戒口太甚。轉令病者日就虛弱。有病後而眼矇者。有病後而耳聾者。有數年而始復原者。有終身不能復原者。有髮禿者。有善忘者。有聰慧而變愚拙者。一病而身體頓異。前後忽如兩人。細推其故。多因病後過戒肉食。西人病後無論貧富。不久即能復原。亦以肉食之得其法耳。夫調養食物。宜擇易消化者。精液多者。少油膩者。肉類多食瘦。少食肥。果類食熟。不食生。蔬類食嫩。不食老。皆補身之要道也。茲擇食物。宜胃與不宜胃者。略列於後。

易消化之物

- | | | | | | | | |
|---------------------|---------------------|-----------------------|--------------------|--------------------|----|----|----|
| 羊乳 | 牛乳 | 半熟蛋 | 魚類 | 牛肉 | 猪肉 | 羊肉 | 嫩雞 |
| <small>黃牛乳良</small> | <small>雞生者良</small> | <small>新鮮魚膏者良</small> | <small>嫩者良</small> | <small>瘦者良</small> | | | |
| 嫩鴨 | 鵪鶉 | 白鴨 | 麻雀 | 班鳩 | 蜆鴨 | 沙佳 | 鹿肉 |
| 節瓜 | 白菜 | 芥菜 | 椰菜 | 黃牙白 | 苜菜 | 生菜 | 芽菜 |
| 茨茹 | 薏苡 | | | | | | |

難消化之物 少食不妨
多食難化

肥肉	老猪肉	老牛肉	火腿	臘肉	臘鴨	海味	蚝	蚬	鹹菜
杏仁	果渣	老菜	老雞	老鴨	鵝肉	鴈	狗肉	馬肉	蘿蔔
蒜	葱	菘	芫荽	紫蘇	香緣	果瓢	椰	芹菜	老瓜
香蕈	木耳	腐竹	金菜	鼠肉	食切勿	蚝	蚬	鹹菜	

致病有由論

病有一方相同。或一室相同者。必有致病之由。醫者宜細心體察也。各國都邑省會。人烟稠密之地。比鄉居者。其病三分多二。或葦草堆積。穢毒蒸騰。或房屋卑狹。風氣不通。或溝渠淤塞。瘴處潮濕。諸病多由此起。故居處乾淨。洗濯得宜。亦養生之一道也。西國有鋼器之埠。工匠皆促壽者。醫士剖驗。每見肺經腐爛。莫明其故。有博物者。疑是鋼塵飛揚。工匠呼吸入肺所致。後各製一攝鐵面具。始免其患。大抵匠作塵埃之處。多生疾病。此理不可不知。

炎証論

人身百體。賴血以生。血管有三種。一曰血脈管。一曰迴血管。一曰微絲血管。微絲血管。密結如網。目力不能見。以顯微鏡視之。每寸平排千餘條。與脈管迴管。兩相連貫。百體內外。無處不有。無微不至。是以衆血由心經左房發源。入脈管。流佈週身之內。行至盡處。即由微絲管過迴血。

百身百體... 致病有由論... 炎証論... 雜肖化之物



管由迴血管返心右房。日夜輪流不息。若身體間一處不安。其處血運流更急。微絲管發赤。血

內之輪。血輪見全體新論。疊聚而至。愈聚愈多。遂壅塞於管徑之內。此管被停血所逼。血內明汁肉

等物。並詳全體新論。滲出管外。積聚肉中。其肉漸紅漸腫。漸覺熱痛。名曰炎症。西國方言曰。炎法美。譯為炎熱之意。故名曰

炎症。惟其症起於外體。自有情狀可見。若發於臟腑之內。則當以望聞問切斷之。重者冷敷。因倦

不欲行動。腰痛大便秘結。小便黃赤。脈至洪數。舌苔黃。假如其症在肝。則痛應於右腋。其症在

心。則痛應於左臂。症在髀曰。則痛應於膝。症在膀胱。則小便頻數。症在肺。則呼吸咳嗽。皆痛。症

在喉嚨。則失音氣促。症在胃。則食物嘔吐。症在舌。則腫痛不知味。症在眼。則矇矓赤痛。症在腸

則瀉痢急痛。症在腦。則昏亂失性。凡此之類。治得其法則愈。治失其法則危。紅腫熱痛。四者不

必全見。但見二。三。少。久者。即當以炎症論也。


凡失足跌落。為玻璃瓷器所傷。碎屑入肉。初覺肉赤。次覺肉熱。次覺肉腫。次覺肉痛。是為初起

炎症。凡有砂灰眯目。目睛紅腫痛熱。亦為炎症。須先去其外入之物。然後能治其病。百體炎症

皆類此。

西醫捉一大蛙。故傷蛙足。以顯微鏡觀之。見其足傷處倍紅。血行漸快。其微絲管亦漸大。初見

管徑僅容一血輪。漸能容二輪。漸而容三輪四輪。漸多而行漸慢。漸慢漸積。漸積漸止。又漸而



明汁滲出。漸而肉絲積。愈積愈瘀。即此可悟。炎証之原。人類皆同。又嘗捉一兔。以冰貼其左耳。少頃。其耳紅熱異常。驗視右耳。通明。而左耳厚暗。血管倍大於右。亦與蛙足同理也。凡瘡癤。疔毒。疔疔等症。及心。肝。肺。腎。脾。腸。膜。病。多由炎症而起。

凡外傷。如跌打金瘡之類。必藉微絲血管。滲泄明汁肉絲。西國方言曰。費膠粘其傷口。乃能復皮連。譯為肉絲。合。若兩邊傷口相離。亦必借明汁肉絲。發生肉牙。其傷口乃能復合也。

治法。以放血為先。法離患處少許。用放血機器。或刀銛刺數處。不必用玻璃罩覆蓋。以氣機筒抽出罩內之氣。

見博物新編。地氣論。則血必湧出。以補罩內空虛。如無抽氣機器。用玻璃盃。貯酒少許。

滴。以火引燒。乘焰覆蓋。與用機筒抽氣理同。或用牛角。或用鉛杯。形如覆磬。徑約寸代玻璃杯。許大者徑約二寸。

亦可。

若壯健病勢重者。用極利小鋼刀。割臂。左右內膈。大小臂相法。先用布袋緊束上臂。使血不能俱可。交轉折處。

迴。則迴血管皆凸露。易見。認確割破。口長約一二分。血出後。解去布帶。另用軟布摺疊數層。按捺割處。

仍用布帶鬆裹。以止其血。血出多少。以病勢輕重酌之。

一法用蜚數條。蜚以黃色金邊為貴。宜小不宜大。使吮其血。以代刀針。亦可將蜚放於玻璃杯內。以杯覆蓋腫

處。任其噬吮。或以布包蜚身。露其口。恣噬近患處。倘久噬不鬆口。用鹽少許。滲之。蜚自縮去。勿

用猛力拔出。防傷肉也。蟻落後。欲止血者。用棉花著傷口。外用布帶纏束。自止。如不止。用艾絨

以手指壓按。蟻口。良久血必止。內服方。用洋輕粉八釐。西國名迦路鴉片膏二三釐。合為丸。

粒。如不融合。如密少許。夜晚吞服。次早服瀉藥。元明粉。朴硝之類。外用粥渣貼患處。或用罌粟殼野菊花沸湯沖

布中絞。按患處。或絞去膿汁。用布巾浸潤患處。

病在內部。或久延。多方醫治不效者。用洋輕粉三四釐。鴉片膏二釐。共作一粒。每服一粒。日三

服。分早中晚三時。次日再服。最效。若見齒內腫痛。易流血。口臭多穢沫之症。知矣。與藥相應也。

即止。勿服。用白礬水。凡收斂藥皆可用。嗽口吐去。日數次。身弱者。宜補藥。或食物調養。

他如去邪。則有汗瀉利小便等藥。外治則有斑蝥膏藥。及釣膿諸法。用藥論言之已詳。醫者隨

宜斟酌可也。

矣。症須戒口。忌食動熱各物。又須靜養。如病在四肢者。臂須平放。几上。腿足須另用椅杌安放。勿令常垂。又忌勞動辛苦也。

膿瘡論

皮肉有紅腫熱痛。謂之矣。矣。結蓄膿。則為瘡。不論百體內外皆有之。其症有大小新舊輕重之不同焉。蓋矣。結不散。則血肉霉腐成膿。四圍有皮肉包裹如囊。西醫統名其症為膿瘡。外體多



發於四肢。內臟多發於肝與腦肺等處。發在內臟者多危險。其膿雖在深處。勢必向外尋路以出。膿近胃者。時或流入胃。嘔吐而出。近腸者。流入腸。從大便而出。近肺者。流入肺。咳嗽而出。無毒之膿。不稀不結。色在黃白間。如乳上所浮之油。以顯微鏡驗之。內有泡多粒。若將此膿放入清水內。即沈於水底。是為易治之症。若腥穢污濁。是有毒之膿也。茲將治法列左。

瘡初起時。肉中掣痛。皮緊而紅。既成。則漸腫漸高。紅熱而實。將熟。則高凸處漸軟。是為瘡頭。不久將自潰裂。病深者。惡寒發熱。喉乾口渴。坐卧不安。或謔語。脈至浮洪。二便短結。瘡在交節筋絡間。或手足厚皮內。膿為所隔。欲潰不能。必藉刀針割刺。大約頸背。胸乳。腹脇。腋下。肛門。近候。近耳目。近外腎之處。皆宜割。近各骨處。皆宜割。膿貼骨。骨衣易。遠衣壞。則骨腐。以手摸試。若內有膿。肉必浮軟。或用探膿針探之。探膿針有溝。若有膿。則從溝中流出。審確按部。位刺割。蓋膿伏深處。非藥力所及。不刺割。則膿

不出。不出則痛日甚。而人日虛。多至殞命也。前有大厯堡壯丁某者。因炮彈傷其一手。來余局就醫而愈。後月餘。右脇骨下疼痛異常。醫治無效。日漸危。復求醫於余。余診知膿發在肝。法須針刺。彼以內臟無刺割之理。不允從而去。延巫作法。符畫滿腹。殆極而回。余以套管針刺之。膿流三斤許。針外有套管。膿從套管流出。真穢不可近。一月全愈。

膿瘡初起。以散為先。畧如治夫法。內服瀉藥。或用鴉片膏五釐。朴硝五分。玄明粉七錢。調以沸

湯半月日服二三次。兩日服盡。甚能去邪止痛。如瘡已成。宜用胡麻子椿爛。熬腐瘡上。或用布
囊裝麥糠。厚約寸許。浸以熱水。蓋於瘡上。最能減痛。割法。看瘡周圍成熟。用利刀割中高處。
或割下半圍。近地之面為下。必割下半圍者。欲膿出順流之故。割後貼潤皮之物。或用舊夏布一小塊。摺疊多層。以水
濕之。貼瘡口外。用油紙蓋之。再用布帶纏紮。若久不收口。宜補藥培托。或徙別處。更換水土。
前所論者。新膿瘡也。今更舉舊膿瘡論之。夫舊膿瘡不同於新膿瘡。三端。新膿瘡。蒸起舊膿瘡。
漸積而成。此不同者一也。新膿瘡。熱痛紅腫。舊膿瘡。不熱不紅。有時微痛。或全不痛。此不同者
二也。新膿瘡。向外行。能自潰裂。瘡面不大。舊膿瘡。橫行。不欲裂出。愈久則患處面愈大。此不同
者三也。舊膿瘡。所見之症。大概掌熱。頰紅。身體時發熱。皮黃肉瘦。不思食。致病之原。每每因身
弱。或跌打所致。其患有專在一處者。有兼數處者。發於脊背。大腿者居多。久則骨漸腐爛。關係
非輕。凡遇此症。放膿為先。欲知膿有無。以手按試。法以左指按瘡面。以右手二指。彈擊左指之
背。自覺膿勢振指。或駢連左指。按瘡左邊。駢連右指。按瘡右邊。左右抑揚推移。如已成膿。即覺
膿勢流動。倘手試不甚準確。用探膿針試之。有膿須放。放有二法。一用套管針刺。使膿從套管
流出。或先割小口。將半管針插入。膿即從半管流出。半管針見前。一用利小刀割之。膿去腫消。瘡面不至日大矣。割口須長
二三分。宜向下割。使膿易於順流。大概不論新舊膿瘡。割口皆不宜太小。蓋膿宜使自然流出。

不宜用手強逼割口大小則膿之清稀者猶易出稠結者出必不利矣其不宜用手強逼故有二一恐傷瘡內新生肉牙一恐增病人痛劇也舊膿瘡大者最忌風入恐防臭穢發熱用時將皮微割即宜用手牽引稍過仍從原口向內割放膿出後放手使皮還原處則外皮之方與內皮之口不對風自難入又法若患在臂腿者可用布條自上向下均勻裹束膿為布條漸漸按下自然流出割口隨貼合口膏藥既免外風之入又免用手強逼之弊此最妙法也病重者割一二次不能即愈數日後膿多再割須以膿盡為度內服全補之藥及飲食以培養之又有毒膿瘡一症俗名火疔瘡又名暑癩暑熱之月小兒頭面徧身皆生大人亦多有之大小多寡無定大者如核桃小者如豆初起紅熱漸至腫痛其原有二一因身弱一因中熱身弱須補中熱須瀉膿熟又須隨宜刺割外用潤皮肉之藥更以密陀僧膏蓋護之

又一種大膿瘡生於背脊最多間或生於腰腹等處中國統名疽又名發背多因年老身虛或平素飲酒

過多所致其証紅腫疼痛異常坐卧不安不欲飲食患處皮堅而厚最為危險必須用彎刀橫

直深割十字相交使其潰裂膿出內服全補之藥及美酒食物培補外用胡麻子搗爛及粥渣

按貼剪去死肉用膽礬水膽礬七八厘配水一兩助生肉牙肉牙高者用膽礬末平之○證有定審須割

者即應放膽刺割方能速愈余曩主廣東金利埠惠愛醫局所醫大小膿瘡每歲不下三四百



人皆以刀針奏效。可知刺割一法。大有益於治療。醫者須曉喻病人。不割則病危而痛久。割僅暫時之痛。比較輕重。割乎不割乎。

潰瘡論

皮肉潰爛曰潰瘡。大概亦炎之類。有內外淺深偏全之別。內則喉口。肺胃大小腸。深則筋骨。偏則一處。全則偏身。初起紅腫而痛。患處有大有小。病勢視炎之多寡。及身之壯弱。為重輕焉。發於外者。大約小腿以下為多。病原有六。一因跌打損傷。二因身內舊毒。三因虛羸。四因酒毒。五因中濕。六因服有毒藥物。西醫分其類為五種。一曰易治瘡。二曰痛瘡。三曰弱瘡。四曰毒瘡。五曰惡毒瘡。輕重不同。治法各異。此症生在兩足及肢節交關筋絡等處。俱難治。法以尋源治本為要。次須催生肉牙。又須洗濯潔淨。有腐骨則去之。身弱難生肉牙。則補之。毒多膿臭穢。則祛之。毒偏在一處。專治患處。則愈。若偏身全受。宜統治一身。茲將治法分列於後。

易治瘡者。言此種瘡無毒。比他瘡為易治。故名。辨法肉牙鮮紅尖密者是。膿稀結多少得宜。四圍新生皮。色淺藍而嫩者。易愈。患是症者。忌行動。作工。房勞。飲酒等事。治法。用黃臘膏貼患處。每日或間日洗換一次。洗法。宜用布巾浸水。細心洗拭周圍。或用夏布。摺疊一兩層。浸膽礬水。讓過瘡口。切忌極力連瘡口並洗。貼新肉上。胆礬水。宜淡不宜稠。大約水一兩配胆礬五厘足矣。蓋以油紙外用布帶鬆勻纏裹。倘瘡口尚有二三分未合。



難生新皮。須用各息的。輕輕搽擦。則收口甚易。若無各息的。用膽礬。或石粉。用石粉亦可。或漿

用麥粉俗名小粉者研末亦可倘新肉高於外皮。亦用各息的。或膽礬。抹使平之。此症若生在腿足。宜用椅板

將腿足平放。毋使下垂。則迴血易於流通。亦助生肉牙之法。

痛瘡者。瘡四圍紅熱。痛楚異常。時或流血。瘡邊凸凹不平。膿甚稀。肉牙難生。宜用硝強水五滴。

見後藥水一兩。浸布點患處。凡用藥水藥酒。必用黃臘膏。或用洋輕粉一錢。西國名灰水五

兩。溫湯化礦灰。調勻濕布貼。如無布用紙。蓋護防其乾也。助生肉牙。如無硝強水。用朴硝一錢。山水四

處。或絞取濃汁潤之。渣亦可。四圍紅腫過多。用蜈蚣數條。吮之。或利刀銛刺之。蜈蚣須稍雜。外

用黃臘膏藥。或水銀膏藥。見後膏止痛內服鴉片膏二三釐。外用鴉片膏攤貼。病者身體有熱

宜瀉。虛弱宜補。最忌勞苦動作。

弱瘡者。血少稀淡。不生新肉。瘡中或有腐肉。不熱不痛。膿汁如水。瘡邊高硬中凹。此症生小腿

兩足者。十有八九。甚難治。生近脚跟。尤難治。法用水銀膏藥。或三仙膏。或松香膏。俱可。並見後

不愈。須密陀僧膏。攤布三四條。潤寸許。裹瘡上下。須過瘡面少許。圖見每隔兩三日換一次。倘

不收口。用各息的。或膽礬。搽瘡邊高硬處。凡腿足有此症。其迴血管多彎曲凸露。宜用布帶纏

瘡論

